

*Служба
Вологодским
Святым*

1991
Издание
Крестовоздвиженской
Православной церкви
г. Грязовец
Вологодская епархия

С Т И Х И Р Ы

ПРИИДИТЕ ВСИ ВЕРНИИ СУЩИИ ВО СТРАНЕ ВОЛОГОДСТЕЙ СВЯТЫЯ ВОСХВАЛИМ: ПРЕПОДОБНЫЯ И ИЕРАРХИ, СВЯЩЕННОМУЧЕНИКИ И ХРИСТА РАДИ ЮРОДИВЫЯ ИЖЕ ВОИСТИНУ ДЕЛЫ И СЛОВЕСЫ И ВСЕМ ЖИТИЕМ БОГУ УГОДИША И ОТ НЕГО МНОГОРАЗЛИЧНЫМИ ДАРОВАНИИ ЧУДЕС ОБОГАТИШАСЯ И НЫНЕ МОЛЯТСЯ О ДУШАХ НАШИХ.


ИДЕЖЕ БЕ ХЛАД И МРАЗ ИДЕЖЕ ЛЕСА И ДЕБРИ И БЛАТА И ПРИТОНЫ РАЗБОЙНИЧИ БЫША ТАМО ЖИЗНЬ РАЙСКАЯ ПРОЦВЕТЕ ОТ ПРЕПОДОБНЫХ ТВОИХ ГОСПОДИ ИЖЕ ОЛЕДЕНЕЛЫЯ СЕРДЦА ЛЮДСКИЯ ТЕПЛОТЮ ВЕРЫ РАСТВОРИША ПЛОДНОСНА СΙΑ СОДЕЛАША И НЫНЕ МОЛЯТСЯ О ДУШАХ НАШИХ.

РАДУЙСЯ, ГРАДЕ СВЯТЫЙ ВОЛОГДА РАДУЙСЯ, ОБИТЕЛЬ СПАСО-КАМЕНСКАЯ, РАДУЙСЯ, ГЛУШИЦА ПРЕПОДОБНАЯ РАДУЙТЕСЯ, ДУБРАВЫ КОМЕЛЬСКИЯ РАДУЙТЕСЯ, СВЯТЫЯ ТОТЕМСКИЯ РАДУЙСЯ, ВСЯ ФИВАИДО СЕВЕРНАЯ НЕБЕСНЫХ ГРАЖДАН ВОЗРАСТИВШАЯ ИЖЕ НА ЗЕМЛИ АНГЕЛЬСКИ ПОЖИША, И ЛЮДИ ВО СПАСЕНИЕ УПРАВИША И НЫНЕ МОЛЯТСЯ О ДУШАХ НАШИХ.

С Л А В А ГЛАС — 6 —

ПРЕПОДОБНИИ И БОГОНОСНИИ ОТЦЫ НАША ГЕРАСИМЕ ПЕРВОНАЧАЛЬНИЧЕ СТЕФАНЕ АРХИЕРЕЮ И БОГОПРОПОВЕДНИЧЕ ГАЛАКТИОНЕ СВЯЩЕННОМУЧЕНИЧЕ ДИМИТРИЕ РАВНОАНГЕЛЬНЕ И СТРАСТОТЕРПЧЕ ИГНАТИЕ БЛАЖЕННЕ ИОАСАФЕ, ВАСИЛИЕ, КАССИАНЕ, ТИМОФЕЕ, ПЕТРЕ ПРЕ-

к III 1202450



КАНОН ПО УСТАВУ.

**СВЯТИИ ВСИ ЧУДОТВОРЦЫ ВОЛОГОДСТИИ,
МОЛИТЕ БОГА О НАС.**

ПЕСНЬ — 1

**РАДУЙСЯ, ГЕРАСИМЕ ПРЕДИВНЫЙ, ПЕРВЫЙ БО-
ГОПРОПОВЕДНИЧЕ, РАДУЙСЯ, ГАЛАКТИОНЕ, ЖИ-
ТИЕМ ПРЕСЛАВНЫЙ ЧУДОТВОРЧЕ, ИОАСАФЕ, КАС-
СИАНЕ, ТИМОФЕЕ, ПЕТРЕ, ВАСИЛИЕ — ЗАЩИТНИ-
ЦЫ ГРАДА НАШЕГО, ИЗБАВИ НАС И СВЯТИТЕ-
ЛЮ АНТОНИЕ НЫНЕ ОТ БЕД И СКОРБЕЙ.**

**СВЯТИИ ВСИ ЧУДОТВОРЦЫ ВОЛОГОДСТИИ МОЛИ-
ТЕ БОГА О НАС. ЧУДОТВОРЦЫ ХРИСТОВЫ И МО-
ЛЕБНИЦЫ О НАС ТЕПЛИИ, ВОЗНОСИТЕ КО ГОС-
ПОДУ ГЛАС ВАШ, ДА ВОЗМОЖЕМ ВОСПЕТИ ЖИ-
ТИЯ ВАШЕГО КРАСНАЯ ИСПРАВЛЕНИЯ.**

СЛАВА И НЫНЕ...

ПЕСНЬ — 3

**ДИМИТРИЕ БЛАЖЕННЕ, ПРИБЕЖИЩЕ НАШЕ И
ИНОКОВ ОГРАДО, ТЫ, ЯКО СОЛНЦЕ, ПРОСИЯЛ
ЕСИ, В МОНАШЕСКИХ СОБОРЕХ АНГЕЛЬСКОЮ КРА-
СОТОЮ СΙΑВЫЙ И БОГОМАТЕРЬ ЛИЦЕЗРЕВЫЙ,
НАУЧИ И НАС БОГУ СЛУЖИТИ И ПОКАЯНИЕ О
ГРЕСЕХ ПРИНОСИТИ.**

**СТРАДАЛЕЦ БОЖИИ ИГНАТИИ, ДА ПОХВАЛИТСЯ
НЫНЕ, ОТ ЮНОСТИ КНЯЖЕНИЕ НА ТЕМНИЦУ
СМЕНИВЫЙ И В НЕЙ БОГА ОБРЕТЫЙ ТЕРПЕНИ-
ЕМ ВЕЛИИМ, НЕПРЕСТАННО МОЛИВЫЙСЯ БО-
ЖИЕЙ МАТЕРИ ВСЕХ СКОРБЯЩИХ РАДОСТЕ.**

СЛАВА И НЫНЕ...

ПЕСНЬ — 4

КИЙ ЯЗЫК ИЗРЕЧЕТ БОЛЕЗНИ И ТРУДЫ ТВОЯ,
БОГОПРОПОВЕДНИЧЕ ХРИСТОВ СЯТИТЕЛЮ СТЕ-
ФАНЕ, ТОБОЮ БО СВЯТАЯ ВЕРА ВО ВСЕХ КОН-
ЦЕХ ПРОСВЕТИСЯ И ЛЮДИ ТЕМНИИ СВЕТ ХРИС-
ТОВ УЗРЕША, СОХРАНИТЕ ВСЕХ НАС МОЛИТВА-
МИ ВСИ СЯТИТЕЛИЕ ПЕРМСКИЙ ГЕРАСИМЕ, ПИ-
ТИРИМЕ И ИОНО.

ЯКОЖЕ СОЛНЦЕ, СИЯЕТ ЧУДЕСЫ ПРОКОПИИ УС-
ТЮЖСКИЙ ХРИСТА РАДИ ЮРОДИВЫЙ, ГРАД УС-
ТЮГ ОТ КАМЕННО-ГРАДОВЫЯ ТУЧИ СПАСЫИ И
СВЯТОЕ МИРО ОТ ИКОНЫ БОГОМАТЕРЕ ИСТОЧИ-
ВЫЙ, С НИМ ЖЕ И ДРУГИЯ БЛАЖЕННЫЯ: КИП-
РИАН И ИОАНН С СУПРУГОЮ СВОЕЮ МАРИЕЮ
МОЛЯТСЯ О ДУШАХ НАШИХ, ДА ПОХВАЛИТСЯ И
ИОАНН ЕДИНЫМ СЛОВОМ БОЛЕЗНИ ВРАЧЕВА-
ВЫЙ И ВО ОГНЬ НЕВРЕДИМО ВХОДИВЫЙ.

СЛАВА И НЫНЕ...

ПЕСНЬ — 5

ХВАЛА ТЕБЕ, ПЕСТУНЕ ОТЦЕВ УЧИТЕЛЮ ДИОНИСИЕ
БОГОБЛАЖЕННЕ, ГЛУЩИЦУ, АКИ ВТОРЫЙ РАЙ, СО-
ДЕЛАВЫЙ, С НИМ ЖЕ И АМФИЛОХИЕ СПОСТНИ-
ЧЕ И ПРЕЕМНИЧЕ: ФЕОДОСИЕ, МАКАРИЕ С ТА-
РАСИЕМ — МОЛИТВЕННИЦЫ НАША ТЕПЛИИ.

ПЕТ ДА БУДЕТ ЛОНГИН КОРЯЖЕМСКИЙ, ЦЕЛИТЕЛЬ
НЕДУЖНЫХ И СПОСТНИК ЕГО СИМОН СОЙГИНС-
КИЙ — АВВЫ ПУСТЫННИИ И ЧУДОТВОРЦЫ.

СЛАВА И НЫНЕ...

ДИВНИИ АЛЕКСАНДРЕ КУШТСКИЙ, СО ПРОЧИ-
МИ ОТЦЫ И ЧУДОТВОРЦЫ ВОЛОГОДСКИМИ И
ЧЕРЕПОВЕЦКИМИ АНТОНИЕМ И ФЕОДОСИЕМ
МОЛИТЕСЯ О ДУШАХ НАШИХ.

С Т И Х И Р А Н А Л И Т И И

СВЯТЫМ ЗЕМЛИ ВОЛОГОДСТЕЙ ПРОСИ-
ВШИМ ГЛАС: 8-Й.

СРАДУЙТЕСЯ С НАМИ, ВСИ ЛИЦЫ СВЯТЫХ И
ВСЯ АНГЕЛЬСКАЯ ЧИНОНАЧАЛИЯ, ДУХОВНО СО-
ВОКУПЬШЕСЯ, ПРИИДЕМ И ВОСПОИМ ВЛАГО-
ДАРНУЮ ПЕСНЬ ХРИСТУ БОГУ, СЕ БЕЗЧИСЛЕН-
НЫЙ СОНМ СРОДНИК НАШИХ БОГУ БЛАГОУГО-
ДИВШИХ.

ПРЕДСТОИТ ЦАРЮ СЛАВЫ И МОЛЕБНО ХОДА-
ТАЙСТВУЕТ О НАС СИИ СУТЬ ПРАВОСЛАВНЫЯ
ВЕРЫ СТОЛПИ И КРАСОТА, СИИ ЦЕРКОВЬ БО-
ЖИЮ ПРОСЛАВИША ПОДВИГИ И КРОВЕЙ ИЗ-
ЛИЯНИИ, УЧЕНИИ И ДЕЛЫ; СИИ ЧУДЕСЫ И
ЗНАМЕННИ ВЕРУ ХРИСТОВУ УТВЕРДИША, СИИ
ОТ ВСЕХ ПРЕДЕЛ ЗЕМЛИ НАШЕЯ ВОЗСИЯША
И ВЕРУ ПРАВОСЛАВНУЮ В НИХ УТВЕРДИША И
ВО ИНЫЯ СТРАНЫ ПРИНЕСОША, АПОСТОЛЬСКИ
РЕВНУЮЩЕ, ИНИИ — ЖЕ ПУСТЫНИ И ГРАДЫ
ОБИТЕЛЬМИ СВЯТЫМИ УКРАСИША, АНГЕЛЬСКОЕ
ЖИТИЕ ПОКАЗУЮЩЕ.

МНОЗИ-ЖЕ И И-НЕМИ ПОДВИГИ ВО ВСЯКОМ ЧИ-
НЕ ПОДВИЗАВШЕСЯ И ВСИ МОЛЯТСЯ ГОСПОДЕ-
ВИ, ИЗБАВИТИ ОТ БЕД ЗЕМЛЮ НАШУ. НАМ
ТЕРПЕНИЯ И КРЕПОСТИ ОБРАЗ ПОДАЮТ.

СТИХОВНА ВОСКРЕСНАЯ.

И НЫНЕ — ДОГМАТИК ГЛАСА.

НА СТИХОВНЕ С Л А В А ГЛАС—6—

РАДУЙТЕСЯ, ДИОНИСИЕ, АМФИЛОХИЕ И ГРИГОРИЕ ОТЦЕВ НАСТАВНИЦЫ РАДУЙТЕСЯ, ПАВЛЕ, КОРНИЛИЕ, СТЕФАНЕ, ИННОКЕНТИЕ, КАССИАНЕ, ЛАВРЕНТИЕ, АРСЕНИЕ ПРЕДИВНИИ РАДУЙТЕСЯ, ИОСИФЕ, АНТОНИЕ ИОАННИКИЕ ЧУДНЫЙ, ХАРИТОНЕ, ХРИСТОФОРЕ, ФЕОДОРЕ, ФОМО, ПАХОМИЕ, ТИХОНЕ, ФИЛИППЕ, СИМОНЕ, АВКСЕНТИЕ, ОНУФРИЕ СО ПРОЧИМИ ОТЦЫ, ФЕОДОСИЙ, СЕРГИЙ, СТАДА МОНАХОВ ВОСПИТАВШИИ И ЗЕМЛЮ ОНЕБЕСИВШИИ, ПРИЛЕЖНО МОЛИТЕСЯ И НЫНЕ ДАРОВАТИ ДУШАМ НАШИМ МИР И ВЕЛИЮ МИЛОСТЬ.

И НЫНЕ БОГОРОДИЧЕН ПО УСТАВУ.

Т Р О П А Р Ь ГЛАС — 8 —

ЯКО СВЕТИЛЬНИЦЫ ВСЕСВЕТЛИИ ЯВИСТЕСЯ В ПРЕДЕЛАХ ГРАДА ВОЛОГДЫ ПРЕПОДОБНИИ ОТЦЫ НАША ВОЛОГОДСТИИ ЧУДОТВОРЦЫ ВЫ БО КРЕСТ ХРИСТОВ ОТ ЮНОСТИ СВОЕЯ НА РАМЕНА ВЗЕМШЕ УСЕРДНО ТОМУ ПОСЛЕДОВАЛИ ЕСТЕ ЧИСТОТОЮ БОГОВИ ПРИБЛИЖИШАСЯ ОТ НЕГО ЖЕ И ЧУДЕС ДАРОВАНИЕМ ОБОГАТИСТЕСЯ ТЕМ ЖЕ И МЫ С ВЕРОЮ К ВАМ ПРИТЕКАЮЩЕ, УМИЛЬНО ГЛАГОЛЕМ: ОТЦЫ ПРЕПОДОБНИИ, МОЛИТЕ ХРИСТА БОГА СПАСТИСЯ ДУШАМ НАШИМ.

В Е Л И Ч А Н И Е:

ВЕЛИЧАЕМ ВАС, СВЯТИИ ВСИ ЧУДОТВОРЦЫ ВОЛОГОДСТИИ, И ЧТИМ СВЯТУЮ ПАМЯТЬ ВАШУ, ВЫ БО МОЛИТЕ ЗА НАС ХРИСТА БОГА НАШЕГО.

ФОНТЕ ТЕЛЕГОВСКИЙ, МАРКО БЕЛЯВИНСКИЙ, КОПРИЙ, АВРААМИЙ ПЕЧЕНГСКИЙ, ВАССИАН ТИКСЕНСКИЙ, АГАПИТ МАРКУШЕВСКИЙ, ДИМИТРИЕ ЦИЛИБИНСКИЙ С КИРИЛЛОМ ПУСТЫННИКОМ — ВСИ ИМЕНИТИИ И БЕЗИМЕНИТИИ УГОДНИЦЫ ВОЛОГОДСТИИ В СЕЙ НАРОЧИТЫЙ ДЕНЬ ПРАЗДНИКА ВАШЕГО ПРИИМИТЕ МОЛЬБЫ НАША И ИСПРОСИТЕ У ХРИСТА БОГА ДУШАМ НАШИМ МИР И ВЕЛИЮ МИЛОСТЬ МОЛИТВАМИ ВАШИМИ: ГРИГОРИЕ, КАССИАНЕ АВНЕЖСКИЙ, ЕВФИМИЕ, ХАРИТОНЕ СЯМЖЕНСКИЙ, ЛЕОНИДЕ УСТЬНЕУДУМСКИЙ, ПАХОМИЕ, ХРИСТОФЕРЕ, ФЕОДОРЕ И ФИЛИППЕ С ЗОСИМОЮ ВОРБОЗОМСКИМ.

СЛАВА И НЫНЕ...

НА ХВАЛИТЕХ СТИХИРЫ ПРАЗДНИКА.

СТИХИРЫ ГЛАС — 6 —

ПРЕПОДОБИИИ И БОГОНОСНИИ ОТЦЫ НАША ФИЛИППЕ, ТИХОНЕ, ПЕТРЕ, ДИМИТРИЕ ИОАННЕ ЮРОДИВЕЕ СТРАСТОТЕРПЦЫ ХРИСТОВЫ СО ПРОЧИМИ ВОЛОГОДСКИМИ, БЕЛОЗЕРСКИМИ ЧУДОТВОРЦАМИ КИРИЛЛОМ, ФЕРАПОНТОМ, МАТИНИАНОМ И НИЛОМ СОРСКИМ И ИГНАТИЕМ ЛОМСКИМ МОЛИТЕСЯ О ДУШАХ НАШИХ.

СЛАВА... ГЛАС — 6 —

ДИВЕН ВО СВЯТЫХ СВОИХ ЯВИЛСЯ ЕСИ ГОСПОДИ ИМИ ЖЕ В НУЖДАХ ВЕРНЫМ ПОСОБСТВУЕШИ БОЛЬНЫМ ПОДАЕШИ ЗДРАВIE ОТ ЗЛЫХ ДУХОВ И СТРАСТЕЙ СВОБОЖДАЕШИ ОТ ПОТОПЛЕНИЯ СПАСАЕШИ . ТЕМ НЫНЕ ПОКЛАНЯЕМСЯ ДЕРЖАВЕ ТВОЕЙ И ВОПИЕМ : БЕЗНАЧАЛЬНЕ ОТЧЕ СО БЕЗНАЧАЛЬНЫЙ СЫНЕ И БОЖЕСТВЕН-

НЫЙ ДУШЕ ТРОИЦЕ СВЯТАЯ СЛАВА ТЕБЕ.
И НЫНЕ... БОГОРОДИЧЕН ПО УСТАВУ.

ВЕЛИКОЕ СЛАВОСЛОВИЕ
СЛУЖБА ПРЕПОДОБНИЧЕСКАЯ.

НА ЛИТУРГИИ ПРОКИМЕН ГЛАС 7 «ЧЕСТНА ПРЕД
ГОСПОДЕМ СМЕРТЬ ПРЕПОДОБНЫХ ЕГО» АПОС-
ТОЛ: КО ЕВР. ЗАЧ. 335; ЕВАНГЕЛИЕ: ОТ МАТФ.
ЗАЧ. 10 ИЛИ ОТ ЛУКИ ЗАЧ. 24;

ПРИЧАСТЕН: «РАДУЙТЕСЯ ПРАВЕДНИИ О ГОСПО-
ДЕ, ПРАВЫМ ПОДОБАЕТ ПОХВАЛА».

В Е Л И Ч А Н И Е:

«ВЕЛИЧАЕМ ВАС, ЧУДОТВОРЦЫ НАША СЛАВ-
НИИ ВОЛОГОДСТИИ, СТРАНУ СЕВЕРНУЮ ЛУЧАМИ
ДОБРОДЕТЕЛЕЙ ОЗАРИВШИИ И ОБРАЗ СПАСЕНИЯ
ВЕРНЫМ СВЕТОЯВЛЕННО ПОКАЗАВШИИ»

ПЕСНЬ — 6

ЯКО ОРЕЛ ВЫСОКОПАРЫЙ, ПАРИТ НАД ЗЕМЛЕЮ ГРИГОРИЙ ПЕЛЬШЕМСКИЙ, СОСУД ИЗБРАННЫЙ БЛАГОДАТИ И МИЛОСЕРДИЯ ПУЧИНО, ВСЕХ ЛЮБИВЫЙ И ВСЕМ О ХРИСТЕ СЛУЖИВЫЙ.

ОТЦЫ ПРЕБЛАЖЕННИИ: СЕРГИЕ НУРОМСКИЙ, ЖИТИЕМ РАДОНЕЖСКОМУ ПОДОБНЫЙ И СЕРГИЕ МАЛОПИНЕЖСКИЙ, ПРОСВЕТИТЕЛЮ ЗЕМЛИ ЯЗЫЧЕСКИЯ. ОБА ХРИСТОПОДРАЖАТЕЛЬНОЕ МИЛОВАННИЕ ЛЮДЕМ ЯВЬШИИ, ДОСТОЙНО ПЕСНЬМИ ДА ПОЧТУТСЯ, СЕРГИЕ ШУХТОМСКИЙ И ЕВФРОСИНЕ СИНОЗЕРСКИЙ.

СЛАВА И НЫНЕ...

К О Н Д А К Гл. — 4 —

СВЕТОНОСНЫЙ ОБЛАК СВИДЕТЕЛЕЙ ВЕРЫ И БЛАГОЧЕСТИЯ, ОСЕНЯЮТ ПРЕДЕЛЫ СТРАНЫ НАШЕЯ, УТВЕРДИЛ ЕСИ ХРИСТЕ ЦАРЮ НА ТВЕРДИ ЦЕРКВЕ ВОЛОГОДСТЕЙ, ДА ВЗИРАЮЩЕ НА СКОНЧАНИЕ ЖИТЕЛЬСТВА ИХ И ВЕНЕЦ СЛАВЫ НЕУВЯДАЕМЫЙ, ТЕРПЕНИЕМ ТЕЧЕМ НА ПРЕДЛЕЖАЩИЙ НАМ ПОДВИГ СПАСЕНИЯ.

ПЕСНЬ — 7

ВЕЛИКАГО В ЧУДЕСАХ ПАВЛА ОБНОРСКОГО ВОСПОЕМ, В ДУПЛЕ ДРЕВА ПОДВИЗАВШАГОСЯ, ЕМУ ЖЕ, ЯКО НОВОМУ АДАМУ, ПТИЦЫ И ЗВЕРИ СЛУЖАХУ И ПИЩУ ОТ НЕГО ПРИЕМЛЯХУ.

РАДУЙСЯ, ОТЧЕ ОТЦЕВ КОРНИЛИЕ ПРЕЧУДНЕ, ВЕРТЕП РАЗБОЙНИКОВ ВО ОБИТЕЛЬ СПАСЕНИЯ ПРЕТВОРИВЫЙ, С НИМ ЖЕ И ЦВЕТ ПУСТЫННЫЙ ИННОКЕНТИЕ И АРСЕНИЕ С ПРЕЕМНИКА-

МИ ЛАВРЕНТИЕМ И КАССИАНОМ, МОЛИТЕСЯ О
НАС.

СЛАВА И НЫНЕ...

ПЕСНЬ — 8

РАДУЙСЯ, КРАСОТО СМИРЕННОМУДРИЯ СТЕФАНЕ
НАЧАЛЬНИЧЕ, БОГОМАТЕРЬ СО СВЯТИТЕЛЕМ НИ-
КОЛАЕМ ВИДЕВЫЙ, И, ОБИТЕЛЬ СООРУДИВ, ТРУ-
ЖЕНИКОВ ДИВНЫЙ ПОМОЩНИЧЕ И НА ВОДАХ СПА-
СИТЕЛЬНЫЙ ЗАЩИТНИЧЕ.

ГРОБ ТВОЙ, АЛЕКСАНДРЕ, ЛЕЧЕБНИЦЕ БОЖЕСТ-
ВЕННАЯ, И ВСЯ НЕДУГИ ИСЦЕЛЯЮЩАЯ, МОЛИ-
СЯ С ПРАВЕДНЫМ ИРОДИОНОМ, ВАСИЛИЕМ,
ИОАННОМ, МИХАИЛОМ, ФОМОЙ И ПРОКОПИЕМ
УСТЬЯНСКИМ О ДУШАХ НАШИХ.

СЛАВА И НЫНЕ...


ПЕСНЬ — 9

ФЕОДОСИЕ, ИСТОЧНИК ЦЕЛЬБОНОСНЫХ ВОД, НА
СОЛЯНЫХ ВАРНИЦАХ ТЫ МУДРОСТЬ ДУХОВНУЮ
СТЯЖАВ, И АНДРЕЙ И МАКСИМ — ВЕЧНАЯ ТО-
ТЕМСКАЯ ПОХВАЛО.

ДИВНО ЖИТИЕ ТВОЕ И ИОСИФЕ ЗАОНИКИЕВС-
КАЯ СЛАВО, КАКО СЛЕПЕЦ СЫЙ ЧУДЕСНО ВОС-
ПРИЯЛ ЕСИ ИКОНУ БОГОМАТЕРИ И СВЯТЫХ
БЕССРЕБРЕННИК КОСМЫ И ДАМИАНА И ПРОЗ-
РЕВ, ОБИТЕЛЬ СООРУДИЛ ЕСИ, И ПО ПРЕС-
ТАВЛЕНИИ ЧУДЕСА МНОГА СОДЕЛАЛ ЕСИ. МО-
ЛИТЕСЯ С НАСТАВНИКАМИ ТВОИМИ АНТОНИЕ И
ИОАННИКИЕ О ДУШАХ НАШИХ.

СТРАТОТЕРПЦЫ ХРИСТОВЫ, ГРИГОРИЕ АВНЕЖ-
СКИЙ, АВКСЕНТИЕ, ОНУФРИЕ ПЕРЦЕВСКИЙ, СИ-
МОНЕ ВАЛОМСКИЙ, ОНУФРИЕ КОСТРОМСКИЙ, НИ-

1202750



Отв. за выпуск:
настоятель Крестовоздвиженской церкви
священник А. Кульчинский